

UGOVOR O OSIGURANJU IMOVINE

Zaključen između:

1. UGOVARAČ OSIGURANJA (Osiguranik) :

“DIREKCIJA ZA ROBNE REZERVE KANTONA SARAJEVO”, ul. Alipašina br. bb, koju zastupa direktorica Jelena Pekić mag.oec.

i

2. OSIGURAVAČ:

TRIGLAV OSIGURANJE d.d. ul. Dolina br.8 Sarajevo, koje zastupa Direktor prodajnog centra Sarajevo Žan Matić.

PREDMET OSIGURANJA

Član 1.

Predmet ugovora je osiguranje imovine Ugovarača osiguranja - Osiguranika i to od sljedećih rizika:

- Požar i neke druge opasnosti sa dopunskim rizicima: poplave, bujice i visoke vode i samozapaljenje (piroliza);
- Osiguranje od opasnosti potresa;
- Osiguranje od opasnosti provalne krađe i razbojništva.

Za zaključena osiguranja po ovom Ugovoru vrijede slijedeći uvjeti osiguranja:

1. Opći uvjeti za požarno osiguranje sa oznakom PG - poz 03-3-bh,
2. Zbirka klauzula za požarno osiguranje sa oznakom ZK - poz 03-3-bh,
3. Opći uvjeti za osiguranje od provalne krađe i razbojništva sa oznakom PG - vlm 03-3-bh,
4. Klauzula za Osiguranje od opasnosti potresa sa oznakom KL-ZP-ptr/03-3-bh

Sva pokrića su bez franšize – sudjelovanja osiguranika u šteti.

CIJENA - PREMIJA OSIGURANJA

Član 2.

Ugovorena premija osiguranja imovine u skladu sa članom 1. ovog Ugovora te izdatim policama osiguranja, koje su sastavni dio ovog Ugovora, iznosi **KM= 5.340,70** (slovima: pethiljadatristotinečetredeset KM i 70/100 KM). Navedena premija osiguranja oslobođena je od plaćanja PDV-a. (čl. 25 Zakona o PDV-u).

Za osiguranje imovine izdati će se posebne police o osiguranju imovine, kojima će biti definisano mjesto osiguranja, predmet osiguranja i sume osiguranja, a sve u skladu sa Ponudom Osiguravača br. 08-3876/20 od 27.03.2020. godine.

OSTALI OBLICI OSIGURANJA

Član 3.

Ugovorne strane su saglasne da će sve ostale oblike osiguranja, Osiguravač i Ugovarač osiguranja - Osiguranik, zaključivati u slučajevima kada je za to zainteresovan Ugovarač osiguranja - Osiguranik.

TRAJANJE UGOVORA

Član 4.

Ugovor se zaključuje na period od od 12 mjeseci, i to za period od 01.04.2020. – 01.04.2021.godine.

Svaka ugovorna strana može zahtijevati raskid ovog ugovora, isključivo pismenim putem bez obzira na razloge, s tim što je otkazni rok najmanje trideset (30) dana.

U slučaju raskida ugovora, poslovi i aktivnosti čija je realizacija u toku, moraju se završiti u ugovorenom roku i sa ugovorenim kvalitetom.

NAČIN PLAĆANJA PREMIJE OSIGURANJA

Član 5.

Plaćanje će se vršiti prema fakturama ispostavljenim od strane Osiguravača. Premiju osiguranja po svakoj izdatoj fakturi Ugovarač osiguranja - osiguranik će platiti u roku od 30 (trideset) dana od dana ispostavljanja iste.

OSTALE ODREDBE

Član 6.

Sve eventualne izmjene i nejasnoće nastale po ispostavljenim Policama osiguranja i ovom Ugovoru, ugovorne strane će rješavati sporazumno.

Ugovorne strane se obavezuju da će sve podatke koji se odnose na međusobno poslovanje, kao i podatke o poslovanju jedne od ugovornih strana, čuvati kao poslovnu tajnu, utvrđenu obostranim dogovorom.

Za sve eventualne sporove nadležan je Sud u Sarajevu.

Ovaj Ugovor je sačinjen u 4 (četiri) istovjetna primjerka za svaku ugovornu stranu po 2 (dva).

DIREKCIJA ZA ROBNE REZERVE

KANTONA SARAJEVO

TRIGLAV OSIGURANJE D.D.

Direktor prodajnog centra Sarajevo

Broj: 02-25-170-15
Sarajevo, 01.04.2020.

Broj: 08-3980/20
Sarajevo, 01.04.2020.